

ODLUKU
O PRISTUPANJU IZRADI REGULACIONOG PLANA
„ENERGOPETROL” U BLAŽUJU

Član 1.

Pristupa se izradi Regulacionog plana za dio privredne zone “Energopetrol” - u Blažuju (u daljem tekstu: Plan).

Član 2.

Granica obuhvata Plana počinje sa mjesta gdje na potok Rakovicu k.č. 1606 izlazi put k.č. 1600 i polazi na sjeverozapad idući putem k.č. 1600 (ne obuhvata ga) i izlazi na trasu napuštene pruge k.č. 1391/2, nastavlja trasom napuštene pruge k.č. 1391/2 na jugoistok i dolazi do mjesta gdje ista presijeca potok Rakovicu, produžava na sjeverozapad idući uzvodno potokom Rakovica k.č. 1606 i dolazi do mjesta odakle je opis obuhvata i počeo. Sve naprijed navedene parcele nalaze se u K.O. Vlakovo.

Ukupna površina obuhvata iznosi 4,23 ha.

Član 3.

Rok za izradu Plana je sedamdesetpet dana od dana donošenja ove odluke.

Član 4.

Sredstva za izradu Plana u iznosu od 15.000,00 KM (petnaest hiljada KM) obezbijedila je Vlada Kantona Sarajevo (u daljem tekstu: Vlada Kantona) u Budžetu za 1999. godinu.

Član 5.

Nosilac pripreme Plana je Vlada Kantona.

Nosilac izrade Plana je Zavod za planiranje razvoja Kantona Sarajevo.

Član 6.

Prva faza - priprema Plana obuhvata izradu smjernica za izradu Plana koje razmatra i donosi Ministarstvo prostornog uređenja i komunalnih poslova Kantona Sarajevo uz prethodno pribavljeni anketni program koji će prethodno provesti općinski načelnik općine Ilidža - Sarajevo.

Druga faza - izrada Plana obuhvata izradu analitičko-dokumentacione osnove i osnovne koncepcije izgradnje i uređenja prostorne cjeline koje razmatra i prihvata Ministarstvo prostornog uređenja i komunalnih poslova Kantona Sarajevo i Savjet iz oblasti urbanizma i prostornog uređenja Vlade Kantona.

Član 7.

Nacrt plana utvrđuje Vlada Kantona i dostavlja ga Skupštini

Kantona Sarajevo (u daljem tekstu: Skupština Kantona) da ga stavi na javnu raspravu i uvid u trajanju od 30 dana.

Na osnovu rezultata javne rasprave i stavova o nacrtu Plana, Vlada Kantona utvrđuje prijedlog plana i podnosi ga Skupštini Kantona na donošenje.

Član 8.

Subjekti planiranja su: Ministarstvo prostornog uređenja i komunalnih poslova i Ministarstvo privrede Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno-historijskog i prirodnog naslijeđa Sarajevo, općina Ilidža, mjesna zajednica, javna i javna komunalna preduzeća i potencijalni investitori koji su se kao zainteresovani javili na poziv Općine Ilidža.

Član 9.

Sastavni dio ove odluke je grafički prilog - prostorni obuhvat Plana prema opisu datom u članu 2. ove odluke.

Član 10.

Ova odluka stupa na snagu osmog dana od dana objavljivanja u “Službenim novinama Kantona Sarajevo”.

Broj 01-23-98/99
20. maja 1999. godine

Predsjedavajući
Skupštine Kantona Sarajevo
Mirsad Kebo, s. r.

Na osnovu člana 18. stav 1. tačka b. Ustava Kantona Sarajevo (“Službene novine Kantona Sarajevo”, br. 1/96, 2/96, 3/96 i 16/97) i člana 100. Zakona o prostornom uređenju (“Službeni list SR BiH”, br. 9/87, 23/88, 24/89, 10/90, 14/90, 15/90, 14/91 i “Službeni list R BiH”, broj 25/94), Skupština Kantona Sarajevo, na sjednici održanoj 20. maja 1999. godine, donijela je

ODLUKU

O PRISTUPANJU IZRADI URBANISTIČKOG
PROJEKTA „PROIZVODNO-USLUŽNI I
REKREACIONI CENTAR RVI ILIJAŠ”

Član 1.

Pristupa se izradi Urbanističkog projekta “Proizvodno - uslužni i rekreacioni centar RVI - Ilijaš (u daljem tekstu: Urbanistički projekat).

Član 2.

Granica obuhvata počinje sa tromede parcela 1707, 7, 8 K.O. Ljubnići, ide pravolinijski duž autoputa Sarajevo - Zenica u pravcu jugoistoka do tromede parcela 1707, 9 i 5/1 K.O.



REGULACIONI PLAN "PAROMLINSKA"

Izvod iz izmjena i dopuna
urbanističkog plana grada
Sarajeva za period od 1986-201

NAMJENA POVRŠINA

1.6-9 privredna zona i mala
privreda "Blagoje
Parović"

1.8-2 saobraćajna infrastruk-
tura "Saobraćajna
površina Pofalići"

1.6-9 — namjena površina
— redni broj namjene
— oznaka namjene

----- obuhvat regulacionog
plana



Zavod za planiranje razvoja
kantona Sarajevo

Ljubnići. Granica obuhvata se lomi prema zapadu, ide pravolinijski parcelom 9 K.O.Ljubnići do parcela 5/1 i 9. K.O. Ljubnići, blago se lomi prema sjeveru idući parcelom 5/1 K.O. Ljubnići koja je ujedno i granica općina Ilijaš i Visoko, ide prema sjeveru sve do autoputa, odnosno parcele 1707 i parcele 5/1 K.O. Ljubnići. Odatle se lomi prema jugoistoku do tromede parcela 5/1, 1707 i 7 K.O. Ljubnići, tu se granica lomi prema jugu do tromede parcela 5/1, 7, 8 K.O. Ljubnići. Granica se tu lomi prema sjeveroistoku i ide granicom parcela 7 i 8 K.O. Ljubnići i završava na tromedi parcela 7, 8 i 1707 K.O. Ljubnići odakle je granica obuhvata i počela.

Prostorni obuhvat čine parcele 5/1 i 8 K.O. Ljubnići čija ukupna površina iznosi 52.830 m².

Član 3.

Rok za izradu Urbanističkog projekta je tri (3) mjeseca od dana donošenja ove odluke.

Član 4.

Sredstva za izradu Urbanističkog projekta obezbjedit će općina Ilijaš u iznosu od 11.110,00 KM (slovima: jedanaest hiljadastotinudeset KM).

Član 5.

Nosilac pripreme Urbanističkog projekta je Vlada Kantona Sarajevo (u daljem tekstu: Vlada Kantona).

Nosilac izrade Plana je Zavod za planiranje razvoja Kantona Sarajevo.

Član 6.

Izradi Urbanističkog projekta prethodi izrada projektnog programa koji razmatra i donosi Skupština Kantona Sarajevo (u daljem tekstu: Skupština Kantona) uz prethodno pribavljeno mišljenje općinskog načelnika Općine Ilijaš.

Urbanistički projekat razmatra i prihvata Ministarstvo prostornog uređenja i komunalnih poslova i Savjet iz oblasti urbanizma i prostornog uređenja Vlade Kantona.

Član 7.

Nacrt Urbanističkog projekta utvrđuje Vlada Kantona i dostavlja Skupštini Kantona da ga stavi na javni uvid i raspravu u trajanju od 30 dana.

Na osnovu rezultata javne rasprave i stavova o nacrtu Urbanističkog projekta, Vlada Kantona utvrđuje prijedlog Urbanističkog projekta i podnosi ga Skupštini Kantona na donošenje.

Član 8.

Subjekti planiranja su: Federalno ministarstvo prostornog uređenja i okoliša, Federalno ministarstvo za privredu, vodoprivredu i šumarstvo, Ministarstvo prostornog uređenja i komunalnih poslova, Ministarstvo prometa i komunikacija i Ministarstvo privrede Kantona Sarajevo, Vodoprivreda BiH, općina Ilijaš, budući korisnici odnosno vlasnici prostora, mjesna zajednica, javna i javna komunalna preduzeća, i drugi zainteresovani subjekti.

Član 9.

Sastavni dio ove odluke je grafički prilog - prostorni obuhvat Plana prema opisu datom u članu 2. ove odluke.

Član 10.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-023-99/99
20. maja 1999. godine
Sarajevo

Predsjedavajući
Skupštine Kantona Sarajevo
Mirsad Kebo, s. r.